
FFORWM CYLLIDEB YSGOLION
Cofnodion o gyfarfod a gynhaliwyd yn Yr Hen Eglwys
Santes Fair, Tremadog,
ar 30 Mehefin 2015 o 1.30 p.m. hyd 2.45 p.m.

Yn Bresennol:

Aelodau Cabinet: Y Cynghorydd Gareth Thomas (Addysg)

Penaethiaid Ysgolion : Eifion Jones (Ysgol Brynrefail), Alun Llwyd (Ysgol Dyffryn Ogwen), Dylan Minnice (Ysgol Botwnnog), Iona Wyn Jones (Ysgol Bro Cynfal/Ysgol Edmwnd Prys), Menna Wynne-Pugh (Ysgol Penybryn, Tywyn), Gwyn Howells (Ysgol y Gelli),

Llywodraethwyr: Godfrey Northam (Ysgol Llanllechid) – ar gyfer Eitem 11

Swyddogion: Arwyn Thomas (Pennaeth Addysg)
Owen Owens (Uwch Reolwr Ysgolion)
Glynda O'Brien (Swyddog Cefnogi Aelodau a Chraffu)

Ymddiheuriadau: Y Cyng. Peredur Jenkins (Aelod Cabinet Cyllid), Dilwyn Williams (Prif Weithredwr), Iwan Trefor Jones (Cyfarwyddwr Corfforaethol), Dafydd L. Edwards (Pennaeth Cyllid), Hefin Owen (Rheolwr Uned Cyllid), Rhys Williams (Ysgol Cymerau), Sianelen Fleming (Ysgol Llanaelhaearn), Esme Spencer (Ysgol Baladeulyn), Andrew Roberts (Ysgol y Berwyn), Neil Foden (Undebau Athrawon) a Donna Roberts (Ysgol Pendalar).

1. ETHOL CADEIRYDD

Penderfynwyd: Ail-ethol Mr Godfrey Northam yn Gadeirydd y Fforwm am y flwyddyn 2015/16.

2. ETHOL IS-GADEIRYDD

Penderfynwyd: Ail-ethol y Cynghorydd Gareth Thomas yn Is-gadeirydd y Fforwm am y flwyddyn 2015/16/

Deallwyd bod amser cychwyn y cyfarfod yn anghywir yn nyddiadur y Cadeirydd felly yn ei absenoldeb o ran helaeth o'r cyfarfod bu i'r Is-gadeirydd gadeirio'r cyfarfod.

3. CROESO

Croesawyd Dylan Minnice, Pennaeth Ysgol Botwnnog, i'w gyfarfod cyntaf o'r Fforwm Cyllideb Ysgolion yn dilyn ei benodiad fel olynydd i Gareth T M Jones.

4. DATGAN BUDDIANT PERSONOL

Ni dderbyniwyd datganiad o fuddiant personol.

5. COFNODION

Llofnododd y Cadeirydd gofnodion cyfarfod o'r Fforwm Cyllideb Ysgolion a gynhaliwyd ar 26 Chwefror 2015 fel rhai cywir.

6. MATERION YN CODI O'R COFNODION

Eitem 3 (a) – Hyfforddiant Cyllidol i ysgolion

Adroddwyd bod y dyddiadau isod wedi eu pennu ar gyfer cynnal hyfforddiant cyllidol i ysgolion gyda'r amser a lleoliadau i'w cadarnhau maes o law:

13 Hydref 2015
14 Hydref 2015
15 Hydref 2015

Penderfynwyd: Derbyn a nodi'r uchod.

7. GWEITHGOR CYLLID ADDYSG

Cyflwynwyd adroddiad gan y Pennaeth Addysg yn gofyn i'r Fforwm gadarnhau parhad o'r Gweithgor Cyllid Addysg er mwyn cynnal trafodaeth yn unol â phenderfyniad y Cabinet yn ei gyfarfod ar 19 Chwefror 2015 sef:

- (a) Derbyn cynigion y Fforwm Cyllido Addysg ar gyfer cyflawni £952,000 o arbedion o'r gyllideb ysgolion yn 2015/16 a chadw o fewn yr addewid cyllido ysgolion, gan ddefnyddio "Model B" ar gyfer cwtogi £60,131 o ddyraniad staff dysgu'r sector gynradd, a chwtogi £25,771 o ddyraniad staff dysgu'r sector uwchradd.
- (b) Gofyn i'r Fforwm Cyllido Ysgolion barhau i adolygu gwasanaethau a threfniadaeth addysg er mwyn canfod gweddill y targed arbedion uwchben y £952,000 ar gyfer 2015/16, gan ddisgwyl eu hargymhelliad ynglyn â sut y gellir gwireddu'r £4.3m cyfan dros y cyfnod 2015/16 – 2018/19
- (c) Gofyn i'r Aelod Cabinet Addysg annog cyrff llywodraethol ysgolion unigol i ystyried sut y gallant ddefnyddio balansau eu hysgolion fel rhan o becyn i gyfarch eu bwloch ariannol mewn ffordd gynlluniedig.

Cyfeiriwyd at y daenlen oedd ynghlwm i'r adroddiad yn crynhoi yr hyn drafodwyd gan y Gweithgor hyd yma.

O safbwynt toriadau gosodwyd targed o £4.3m er mwyn ceisio cael y Gwasanaeth Addysg i uchafu'r arbedion effeithlonrwydd y byddai modd eu gwasgu allan o'r gyfundrefn addysg cyn symud ymlaen i doriadau. Pwysleiswyd bod y ffin rhwng arbedion effeithlonrwydd a thoriadau yn un anodd i'w ddiffinio ym maes addysg.

Gofynnwyd i'r Fforwm gadarnhau aelodaeth y Gweithgor ac fe'u hatgoffwyd o'r aelodau ymysg Penaethiaid y sector uwchradd a'r cynradd:
Neil Foden, Alun Llwyd, Eifion Jones a Dewi Lake (Uwchradd)
Owain Lemin Roberts, Ifan Llyr Rees, Geraint Evans a Sianelen Pleming (Cynradd)

Awgrymwyd i'r GYDCA drafod enwebiad i olynu Sianelen Fleming ar y Gweithgor yn sgil ei bwriad i ymddeol.

Adroddodd y Pennaeth Addysg mai'r her ydoedd bod yn fwy effeithlon tra'n gweithio tuag at yr arbedion o £4.3m. Roedd canran toriadau y gwasanaeth oddeutu 6 / 7% o'i gymharu â rhai gwasanaethau a oedd yn chwilio am oddeutu 30%. Byddai'n ofynnol i'r Gweithgor gynnal trafodaethau anodd iawn gan ystyried egwyddorion sylfaenol gan gyfarch y ddarpariaeth orau i blant a phobl ifanc.

Ychwanegodd yr Aelod Cabinet Addysg bod Cabinet y Cyngor yn cynnal cyfres o weithdai gyda holl Aelodau'r Cyngor i drafod proses yr arbedion a bod y Gwasanaeth Addysg o dan ystyriaeth ar 6 Gorffennaf 2015. Ar derfyn y broses bwriedir, er tryloywder, ymgynghori gyda thriogion Gwynedd ym mis Medi / Hydref ynglyn â gweithrediad y toriadau posibl.

Awgrymodd Bennaeth y byddai'n rhaid i'r Gweithgor edrych ar y darlun yn ei gyfanrwydd ac oni fyddai'n well ei enwi "Gweithgor Rhesymoli Addysg ac Ysgolion".

Penderfynwyd: (a) Derbyn a nodi cynnwys yr adroddiad.

(b) Cadarnhau Aelodaeth y Gweithgor Cyllid

Addysg fel a ganlyn:

Cadeirydd y Fforwm Cyllideb Ysgolion (Mr Godfrey Northam)
Aelod Cabinet Addysg (Y Cyng. Gareth Thomas)
4 Pennaeth Cynradd (Owain Lemin Roberts, Ifan Llyr Rees,
Geraint Evans ac un enwebiad gan y GYDCA (Cynradd)
4 Pennaeth Uwchradd (Neil Foden, Alun Llwyd, Eifion Jones a Dewi
Lake)
Pennaeth Ysgol Arbennig (Donna Roberts, Ysgol Pendalar)
Cynrychiolydd yr Esgobaeth (Parch. Canon Robert Townsend)

Sylwedyddion: Cadeirydd Pwyllgor Craffu Gwasanaethau (Y Cyng.
Peter Read)

Is-gadeirydd Pwyllgor Craffu Gwasanaethau (Y
Cyng. Beth Lawton)

(c) Cynnal cyfarfod o'r Gweithgor ar 17 Medi
2015 yn ddibynnol os nad yw yn cyd-daro gyda chyfarfod Strategol
Uwchradd.

8. CYFRIFON TERFYNOL YSGOLION BLWYDDYN GYLLIDOL 2014/15

Cyflwynwyd fanylion balansau ysgolion ar 31 Mawrth 2015 a oedd yn amlinellu bod y balansau wedi gostwng £281,267 yn ystod 2014/15 i £3,495,580, sy'n cyfateb i 4.89% o'u dyraniad terfynol.

Nodwyd bod gan 15 ysgol ddiffyg ariannol ar ddiwedd 2014/15 gwerth £327,873 i gymharu gyda 7 ar ddiwedd 2013/14 gwerth £116,313.

- 9 ysgol gynradd gyda chyfanswm diffyg £111,677 (amrywio rhwng £780 a £52,579)

- 5 ysgol uwchradd gyda chyfanswm diffyg £190,742 (amrywio rhwng £17,943 a £94,128)
- 1 ysgol arbennig gyda diffyg £25,454

Gwelir lleihad sylweddol ym malansau ysgolion uwchradd ond cynnydd ym malansau ysgolion cynradd.

Atgoffwyd yr Aelodau am y drefn gweithredu cyfarwyddo defnydd balansau a chyfeiriwyd at yr atodiad oedd ynghlwm i'r adroddiad yn amlygu'r symiau ariannol sydd dros y trothwyon. Nodwyd bod 18 ysgol gynradd dros y trothwy £50,000 a 4 ysgol uwchradd dros y trothwy £100,000.

Nododd yr Aelod Cabinet Addysg bod balansau uchel ysgolion yn creu loes iddo yn enwedig wrth geisio amddiffyn cyllideb ysgolion a'r hinsawdd o doriadau sydd ohoni. Pwysleiswyd yr angen i weithredu'r cynllun cyfarwyddo defnydd balansau ac i ysgolion gyflwyno rhesymeg dros gadw'r balansau dros y trothwyon.

Penderfynwyd: Cymeradwyo:

- (a) I'r Adran Addysg a'r Adran Gyllid gydweithio yn agos gyda'r ysgolion gyda diffyg ariannol er mwyn sicrhau eu bod yn clirio'r diffyg cyn gynteg â phosibl
- (b) I'r Adran Addysg a'r Adran Gyllid adolygu trefniadau presennol monitro cyllidebau ysgolion
- (c) Wrth drafod balansau, rhaid ystyried yr her ar ysgolion i ddarganfod arbedion ariannol sylwedol yn y blynyddoedd gyllidol 2016/17, 2017/18 a thu hwnt. Dylid hefyd fod yn ymwybodol am effaith ariannol rhagolwg lleihad pellach yn nifer disgyblion ysgolion uwchradd o dros £800,000 rhwng 2016/17 a 2017/18.

9. GRANT GWELLA ADDYSG 2015/16

Cyflwynwyd, er gwybodaeth, adroddiad gan y Pennaeth Addysg ynghylch y grant "newydd" sy'n uno 11 grant blaenorol gan weithredu toriad o 10% yr un pryd.

Cyfeiriwyd at y manylion ariannol a olygir cyfanswm cyllid Grant Gwella Addysg i Wynedd yn £6,308,073. Gwelwyd ynghlwm i'r adroddiad ddadansoddiad o ddyraniad ysgolion unigol yn seiliedig ar:
GGA Cyfnod Sylfaen (fformiwla penodol yn bennaf ar sail disgyblion cyfnod Sylfaen)
GGA Rhwydwaith 14-19 (yn bennaf ar sail cyrsiau penodol a ddarperir)
GGA Eraill (80% nifer disgyblion 20%, cinio am ddim)

Mewn ymateb i ymholiad, cadarnhawyd bod GwE wedi anfon templed i ysgolion ar gyfer rhestru ystod o bwrpasau'r grant gan ofyn iddynt ei gwblhau fel rhan o'u trefn cynllunio ar gyfer gwella'r Ysgol.

Nododd Bennaeth werthfawrogiad i'r Uned Gyllid am eu gwaith yn nhrefniadau'r uchod a gofynnwyd a fydd y maes yn rhan o drafodaethau y Gweithgor.

Mewn ymateb, nododd y Pennaeth Addysg ni ellir rhagweld beth fydd maint y gyllideb Ebrill nesaf a pha elfennau fydd i'w cadw'n ganolog.

Penderfynwyd: Derbyn a nodi cynnwys yr adroddiad.

10. RHWYDWAITH CYFRIFIADUROL YSGOLION

Cyflwynwyd, er gwybodaeth, adroddiad yr Uwch Reolwr Technoleg Gwybodaeth yn diweddarau'r Aelodau ynglyn â'r grant gan Lywodraeth Cymru ar gyfer:

- Rhoi darpariaeth di-wifr gynhwysfawr yn y manau dysgu
- Safoni ar gyflymder i'r rhyngwyd ar 10mbps (ysgolion cynradd ac arbennig) / 100mbps (ysgolion uwchradd ac ysgolion cynradd > 300 o ddisgyblion)
- Darpariaeth yn cael ei gyflwyno ar ffeibr ar gyfer ehangu'n y dyfodol i 100mbps a 1000mbps
- Pob cyswllt yn cael ei wneud yn ran o rwydwaith ehangach y sector gyhoeddus (PSBA)

gyda'r bwriad y bydd pob cyswllt wedi eu cytundebu tan ddiwedd Mawrth 2017.

Nodwyd bod 5 ysgol cynradd yn parhau i ddisgwyl am y ddarpariaeth newydd oherwydd bod y rhaglen wedi llithro a'r tebygolrwydd y gall barhau i lithro.

Cyfeiriwyd at ddatblygiadau pellach mewn darpariaeth sustem fôn newydd i swyddfeydd y Cyngor a fydd hefyd ar gael i ysgolion a olygai cyfleon am arbedion yn y biliau ffôn.

Nodwyd bod y ddarpariaeth di-wifr yn cael ei hymledu i swyddfeydd a chanolfannau eraill y Cyngor, megis llyfrgelloedd, canolfannau hamdden, archifdai ac amgueddfeydd, sy'n golygu y gall disgyblion ac athrawon barhau gyda gwaith cwricwlwm yn y manau hyn.

Penderfynwyd: Cymeradwyo:

- Bod y gwaith sydd wedi ei wneud hyd yma yn cynnig gwelliant sylweddol i'r isadeiledd technoleg gwybodaeth sy'n cefnogi dysgu yn yr ysgolion**
- I ymrwymo i ddefnyddio'r ddarpariaeth newydd ac adolygu'r ddarpariaeth cyn diwedd y cyfnod cytundebol ym Mawrth 2017.**

11. DYDDIADAU CYFARFODYDD NESAF

Penderfynwyd: Pennu'r dyddiadau isod ar gyfer cyfarfodydd nesaf y Fforwm Cyllideb Ysgolion:

18 Tachwedd 2015 (9.30 a.m.)
10 Chwefror 2016 (9.30 a.m.)

12. YMDDISWYDDIAD

Nododd Mr Godfrey Northam ddymuniad Mr Walter Williams, cynrychiolydd Llywodraethwyr Uwchradd Ardal Arfon, i ymddiswyddo fel aelod o'r Fforwm Cyllideb oherwydd ymrwymadau eraill.

Trafodwyd ymhellach diffyg presenoldeb rhai o'r Llywodraethwyr sy'n gwasanaethu ar y Fforwm ac awgrymwyd gwneud ymholiadau yng Nghymdeithas Llywodraethwyr Gwynedd ynglyn â'u dymuniad i barhau i wasanaethu ar y Fforwm.

Penderfynwyd: Gofyn i'r Swyddog Cefnogi Aelodau a Chraffu gysylltu â'r Adran Addysg ar gyfer gwneud trefniadau i Gymdeithas Llywodraethwyr Gwynedd:

- (i) enwebu olynydd i Mr Walter Williams**
- (ii) ganfod dymuniad y Llywodraethwyr eraill ynglyn â pharhad i wasanaethu ar y Fforwm.**

CADEIRYDD